

SCRIPT OF MORNING GOJRI NEWS BULLETIN 31MAY 2025

1015HRS

مارننگ گو جری نیوز بلیٹن مورخہ 31 مئی 2025

یوہ آکا شوانی جموں ہے محبوب سلطانہ تیں خبر سُنو۔

JMU RAIL DIV

وزارت ریلوے نے جموں نانہہ نوو ریلوے ڈویژن قرار دے دتو جس گو صدد مقام جموں توی مانہہ وے غو جدکہ یوہ شمالی ریلوے غے تحت کمرے گو اس ضمنمانہہ یوہ نوو ریلوے ڈویژن پہلی جون 2025 تون موثر طریقہ سنگ کمرن لگ جے غو اس سلسلہ مانہہ فیروز پور ریلوے ڈویژن کا رہ اختیار مانہہ تبدیلی تون بعد جموں ریلوے ڈویژن پٹھانکوٹ جموں سرینگر بارہمولہ تے دوجا ریل رستان ور مشتمل ہے واضع رہ جے مئی نانہہ اک نوٹفکیشن جاری کرگے اس گل گی جانکاری دتی گئی ہے جدکہ اس ڈویژن گو 6 جنوری 2025 نانہہ وزیر اعظم نریندر مودی نے مجازی طورور افتتاح کیو تھو اس سلسلہ مانہہ مزید دسیو گیو ہے جے ہون جموں ڈویژن تے فیروز پور ڈویژن بشکار ڈویژنل حد جلدھر پٹھانکوٹ سیکشن تے امرتسر پٹھانکوٹ سیکشن وے گی۔

ARMY CHIEF SUNDERBAN

فوج کا سربراہ جنرل اوپیندر دیودی نے پچھلے تہاڑے جموں کشمیر کا سندر بنی سیکٹر کا اگلا علاقہ گو دورو کرگے کارواںیاں گی تیاریاں گو جا یزو لیو۔ اس دوران انہاں نانہہ اُت موجود کمانڈراں نے قبضہ لکیر کولے حفاظتی صورتحال تے آپریشنل سرگرمیاں بارے جانکاری دتی۔ اپنا دورہ گے دوران فوجی سربراہ نے فوجی جواناں سنگ گل کرتا مانہہ آپریشن سندور گیدوراناں گی شاندار کارکردگی گی تعریف کی تے اُن گی پیشہ وارانہ مہارت تے عزم گی سراہنا کی اس ضمنمانہہ جنرل اوپیندر دیودی نے تیزی سنگ بدلتا واں حفاظتی ماحول مانہہ چستی غی اہمیت ور زور پایو تے انہاں نے مزید کیو جے لگاتار چوکس رہن تیاری تے ادارہ جاتی مضبوطی گیزریعتہ خطہ مانہہ باندے اُن آلی دقتا سنگ موثر طورور نمڑیو جاسکے۔

MOCK DRILL

عوامی تحفظ تے ہنگامی حالات سنگ نمڑن گی تیاریاں نانہہ بہتر بنان گی کوشش گے تحت جموں ڈویژن کا تمام ضلاع کا ضلعی انتظامیات نے شہری دفاعی مشق آپریشن شلیڈ واسطے ہدایات جاری کی ہیں اس ضمن مانہہ دسیو گیو جے اج 5 بجے تربیتی مشق شروع وے گی جدکہ 31 مئی شام 8 بجے تون 8 بج غے 15 منٹ توڑی مکمل اندھیرو کیو جے غو۔ اس سلسلہ مانہہ جاری ہدایت مانہہ دسیو گیو ہے جے تمام شہریاں نانہہ بجلی بند کرن غے نال پردہ ہونا کرگے تمام سرگرمیاں نانہہ روکنو وے گو جدکہ اس دوران تمام ہنگامی خدمات معمول گے مطابق جاری وے گی۔

VISKIT KRISHI RAMBAN

تہاڑاں ور مشتمل ویکست کرسی سنکلیپ ابھیان گے تحت کساناں نانہہ جدید ٹیکنالوجی 15 سنگ باختیار بنان واسطے بیداری کیمپ منعقد کیا جارہا ہیں اس ضمن مانہہ اس ابھیان غے تحت رام بن ضلع کا بتوت بلاک کا شمیر، در مود، لٹوال پنچایت مانہہ کیمپ منعقد کیا گیا۔ ان

کیمپاں نانہہ کرشی ویگیان کیندر گی طرفوں منعقد کیو جس مانہہ سیا ستدانان تے کھیتی باڑی سنگ جڑیاں واں دوجا محکماں گا افسراں نے شرکت کی اس دوران کسانان نانہہ جدید کھیتی باڑی ٹیکنیک تے قدرتی کھیتی گا طریقاں بارے دسیو گیو تے نال ہی نال کسانان نانہہ تعلیمی مواد وی فراہم کیو گیو تانجے وے ان طریقاں نانہہ بہتر انداز مانہہ سیکھ سکیں۔

SUMMER VACATIONS

جموں کشمیر یو ٹی گا محکمہ اعلیٰ تعلیم نیجمہ آلے تہاڑے یو ٹی گا ڈگری کالجاں مانہہ گرمیاں گی چھٹی بارے اعلان کیو ہے۔ مہارا آکاشوانی جموں غا نمائندہ غے مطابق حکم نامہ مانہہ دسیو گیو ہے جے جموں ڈویزن گا گرمیائی زون گے تحت آنالا کالجاں مانہہ 45 تہاڑاں گی چھٹیاں بارے اعلان کیو گیو ہے جہیڑی 1 جون 2025 نانہہ شروع وے گی جد کہ جموں تے کشمیر ڈویزن گا سرمایائی زون مانہہ آن آلا ڈگری کالجاں مانہہ 9 تہاڑاں گی چھٹیاں بارے دسیو گیو جہیڑی 15 جولائی 2025 نانہہ شروع وے گی۔

DC UDH ACC VICTIM

ڈپٹی کمشنر ادھمپور سلونی راجے نے پچھلے تہاڑے ڈی سی دفتر کمپلیکس گا منی کانفرنس حال مانہہ ایک میٹنگ کی صدارت کی جس غو مقصد سڑک حادثاں توں متاثر ہون آلا گی ضرورتاں گو حل کرنو تھو اس میٹنگ غے دوران کمیٹی گی طرفوں سڑک حادثاں توں متاثرین گا 5 معاوضہ گامعملاں نانہہ منظوری دتی گئی تانجے متاثرہ خاندانان نانہہ ضروری مدد فراہم کی جاسکے اس ضمن مانہہ ڈی سی موصوفہ نے متعلقہ حکام نانہہ ہدایت جاری کرتا مانہہ کیو جے متاثرہ خاندانان گا معاوضاں گی ادا گی ویلے سر یقینی بنائی جے انہاں نے مزید کیو جے مسافراں گی حفاظت نانہہ بہتر بنان تے ٹرانسپورٹ قوانین گی عمل آوری ور سخت نگرانی رکھی جے۔

WEATHER

اج سویرے ہوائی بارش گی وجہ توں لوکاں نانہہ تتی گرمی توں خاصی راحت پیچی ہے جدکہ اس سلسلہ مانہہ محکمہ موسمیات نے اج واسطے درمیانہ توں خاصہ درجہ غیبارش بجلی کڑکن تے چھگڑ بارے لوکاں نانہہ خبردار کیو ہے محکمہ گی طرفوں شہریاں نانہہ مناظر رہنبارے کیو گیو ہے کیو جے شدید بارش سنگ کجھ علاقان مانہہ اچانک سیلاب آن گو خطرو ہے اس ضمن مانہہ دسیو گیو ہے جے اُن جگہاں ور پسی پین گو وی خطرو ہے جہیڑا پہلاں تو متاثر ہیں یا فر کمزور ہیں اونگا حکام نے لوکاں توں اپیل کرتا مانہہ کیو جے غیر محفوظ علاقان تے دوجا تعمیراتی چیزاں گے نیڑے جان توں گریز کریں۔ اس ضمن مانہہ مزید کہیو گیو بے حفاظتی ہدایات ور عمل کرن غے نال نال وے موسمی خبراں توں باخبر ریں۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر 24 براں تیں

براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50 صحافت غا شعبہ
مانہہ ڈگری یا فز تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو
مقرر کیو گیو ہے۔
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ
تجربو وی
ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے
جے ضلع صدر دفتر
کٹھوعہ یا اس تیں 10 کلو میٹر غا رہ غے اندر رہا ش پزیر وے اس سلسلہ مانہہ درخواست
غی ہارڈ کاپی
ضروری دستاویزات غے ہمراہ ہیڈ ریجنل نیوز یونٹ آکاشوانی پنچتر تھی جموں مانہہ بزات خود
آہندہ

جون توڑی دے سکیں۔ اس بارے مزید جانکاری ویب سائٹ 15
ور دستیاب ہے۔ www.newsonair.gov.in
